

AVGJERD I EØS-KOMITEEN
nr. 54/2003

av 16. mai 2003

om endring av vedlegg XVIII (Helse og tryggleik på arbeidsplassen, arbeidsrett og lik handsaming av kvinner og menn) til EØS-avtala

EØS-KOMITEEN HAR –

med tilvising til avtala om Det europeiske økonomiske samarbeidsområdet, endra ved protokollen om justering av avtala om Det europeiske økonomiske samarbeidsområdet, heretter kalla “avtala”, særleg artikkel 98, og

på følgjande bakgrunn:

- 1) Vedlegg XVIII til avtala vart endra ved avgjerd i EØS-komiteen nr. 172/2002 av 6. desember 2002⁽¹⁾.
- 2) Europaparlaments- og rådsdirektiv 2002/44/EF av 25. juni 2002 om minstekrav til helse og tryggleik med omsyn til eksponering av arbeidstakarar for risikoar i samband med fysiske agensar (vibrasjon) (sekstende særdirktiv i medhald av artikkel 16 nr. 1 i direktiv 89/391/EØF)⁽²⁾, skal takast inn i avtala –

TEKE DENNE AVGJERDA:

Artikkel 1

I vedlegg XVIII etter nr. 16j (kommisjonsdirektiv 2000/39/EF) i avtala skal nytt nr. 16ja lyde:

”16ja. **32002 L 0044**: Europaparlaments- og rådsdirektiv 2002/44/EF av 25. juni 2002 om minstekrav til helse og tryggleik med omsyn til eksponering av arbeidstakarar for risikoar i samband med fysiske agensar (vibrasjon) (sekstende særdirktiv i medhald av artikkel 16 nr. 1 i direktiv 89/391/EØF) (TEF L 177 av 6.7.2002, s. 13).”

Artikkel 2

Teksta til direktiv 2002/44/EF på islandsk og norsk, som vil verte kunngjort i EØS-tillegget til *Tidend for Den europeiske union*, skal verte gyldig.

⁽¹⁾ TEU L 38 av 13.2.2003, s. 38, og EØS-tillegget til TEU nr. 9 av 13.2.2003, s. 25.

⁽²⁾ TEF L 177 av 6.7.2002, s. 13.

Artikkel 3

Denne avgjerda tek til å gjelde 17. mai 2003, på det vilkåret at EØS-komiteen har motteke alle meldingar etter artikkel 103 nr. 1 i avtala^(*).

Artikkel 4

Denne avgjerda skal kunngjerast i EØS-avdelinga av og EØS-tillegget til *Tidend for Den europeiske union*.

Utferda i Brussel, 16. mai 2003.

*For EØS-komiteen
Formann*

P. Westerlund

Sekretærer for EØS-komiteen

P.K. Mannes

M. Brinkmann

^(*) Ingen forfatningsrettslege krav oppgjevne.